

gustav / January 29, 2013 10:09PM

[意誠心正。聖人之根基... 《玉皇上帝洪慈救劫寶經》](#)

〈感應第一節〉

帝聞愚人多犯於前。前途多礙。智者能修於後。後地能寬。
天下萬民。盡以善良為本。古來三教。皆由仁德立功。
明德親民。儒教之綱領。[u]意誠心正。聖人之根基。[/u]
釋悟五蘊之空。發慈悲救一切苦。
道煉先天之氣。立大願度萬緣人。
始必本於倫常。同求於始。終專贊其化育。共勉於終。
既仁且智。立身以化癡愚。由德積功。行道而參天地。
非惟得聖賢仙佛之地位。抑且有太平歲月之風光。
六宇清寧。萬民安樂。皆從善良進於仁德。功行感於神祇故也。

gustav / January 29, 2013 09:58PM

[《玉皇上帝洪慈救劫寶經》](#)

《玉皇上帝洪慈救劫寶經》

○恭請玉皇上帝寶誥

志心皈命禮。(三稱)

大羅天帝。太極聖皇。化育群生。統御萬物。渺渺黃金闕。巍巍白玉京。
若實若虛。不言而默宣大化。是空是色。無為而役使群靈。
時乘六龍。遊行不息。氣分四象。斡旋無邊。
乾健高明。萬類善惡悉見。玄範廣大。一算禍福立分。
上掌三十六天、三千世界。下握七十二地、四大部洲。
先天後天。並育大慈父。古仰今仰。普濟總法宗。
乃日月星辰之君。為聖神仙佛之主。湛寂真道。恢漠尊嚴。
變化無窮。屢傳寶經以覺世。靈威莫測。常施神教以利生。
洪威洪慈。無極無上。大聖大願。大慈大悲。
玉皇大天尊。玄穹高上帝。(三稱十二叩)

〈啟讚〉

濃雲欲澹。春草臨秋。案前紫竹甚清幽。俯首殷勤留。
天漢通流。一葉度人舟。皈命
三天寶蓋隨聖大天尊。(三稱)

〈開經偈〉

救劫寶經兮。聖德哀憫愚。既出天地心。又洩乾坤氣。
警惡以歸善。口誦當心記。臣等願皈依。敬事經中義。
玉皇大天尊。玄穹高上帝。(三稱十二叩)

天下之人苦於劫。而不知脫劫者。何多多也。亦因人之自罹於劫耳。

帝今憫世人。親臨降諭。欲人之脫於劫。而登仁壽者。

一、無起殺害心。二、無起貪慾心。

三、無起私挾心。四、無起肥己心。

五、無起恃權心。六、無起使勢心。

七、無起宴樂心。八、無起佚遊心。

九、無損人利己心。十、無毀謗諛諛心。

讎為之解。怨為之釋。不以我而忤於人。寧以人而負於我。縱使人不我知。天神不昧。

欲一人而知脫之。人人而知脫之。則天下之人。無不知脫之。

益增益上。屢進屢升。自此而修真。自此而得道。自此而為聖為賢。自此而成仙成佛。

皆一脫劫基之也。願眾卿其共勉之。

〈感應第一節〉

帝聞愚人多犯於前。前途多礙。智者能修於後。後地能寬。

天下萬民。蓋以善良為本。古來三教。皆由仁德立功。
明德親民。儒教之綱領。意誠心正。聖人之根基。
釋悟五蘊之空。發慈悲救一切苦。
道煉先天之氣。立大願度萬緣人。
始必本於倫常。同求於始。終專贊其化育。共勉於終。
既仁且智。立身以化癡愚。由德積功。行道而參天地。
非惟得聖賢仙佛之地位。抑且有太平歲月之風光。
六宇清寧。萬民安樂。皆從善良進於仁德。功行感於神祇故也。

〈揭惡第二節〉

今也人心不古。世俗日漓。舍規矩而習於邪偽。廢禮義而入於濁汙。
以聖賢詩書為具文。以仙佛經典為異說。
身上惡緣種種。怙而不悛。眼前孽報昭昭。知猶不畏。好造滅身之罪。偏多亂世之才。
奸徒奸勝曹瞞。且逆親慢上。淫婦淫同武曌。更長舌毒心。
三教九流。每作喪心之事。宦家富室。多行悖律之條。
堅心一味橫行。奸盜邪淫稱快事。巧走百條曲路。哄喝詐騙作生涯。
嗚呼哀哉。神鬼泣矣。

〈勉善第三節〉

噫。古之聖賢仙佛。非三頭六臂。亦似今人。
今之天地山川。生百穀萬物。還同古日。
何爾良民。甘居下賤。不效善於前人。喜遺害於後世。
不以仁德為體。不以禮義為用。
不敬天地。不禮神明。不忠君王。不孝父母。
不重尊長。不和兄弟。不別夫婦。不信朋友。
不睦宗族。不教子孫。造罪多端。作惡無算。
考萬善之中。未行一善。於三教之外。又添一惡教乎。
嗟夫嗟夫。萬般惡行。實水火、刀兵、瘟疫等劫之根由。
一切非為。即瞽聵、疾病、癰疽諸災之引路也。

〈成功第四節〉

帝大發洪慈。廣開覽路。憫眾罹劫之苦。旨曉鸞盤。樂民遷善之心。恩高烏嚕。
人能悔罪。天必降祥。
期回日月之光。自茲奮志。淨滌生平之垢。從此勤修。守分為良。
萬民各安其業。體天為本。三教各立其功。推己及人。止於至善。
則聖賢仙佛之位可期。災殃禍患之凶能免。
將見天清地寧。風調雨順。百穀豐登。萬民安樂。齊慶昇平之世。恆招錦繡之春焉。

頌曰。

始事親兮終事君。終於參贊在躬行。致知格物求諸己。治國佐朝化厥人。
蓬戶道人堪發願。空門衲子莫違經。清清閨秀防其濁。重重室君慎所輕。
貧讀宜思囊與映。力田毋憚苦和辛。藏塵貨殖而思義。居肆業精以務成。
眾眾能歸仁義路。家家必樂太平春。帝居三十三天聖。憂爾民兮樂爾民。

〈收經偈〉

臣等何其幸。得逢此善緣。寶經生法雨。金鼎結祥煙。
改過隨時檢。積功立志堅。誦經功課已。頂禮謝慈顏。
玉皇大天尊。玄穹高上帝。(三稱十二叩)
救劫經終

※引自：行天宮刊印《列聖寶經合冊》
行天宮五大志業網站：<http://www.ht.org.tw/>